


PRVO MEĐUNARODNO NATJECANJE IZ ISLAMSKOG VJERONAUKA

Novouređena Gazi Husrev begova biblioteka u Sarajevu, 26.6.2013. godine, bila je mjesto održavanja 1. Međunarodnog natjecanja iz islamskog vjeronauka održanog u organizaciji Vjersko prosvjetne službe Rijaseta Islamske zajednice u Bosni i Hercegovini. Na ovom natjecanju sudjelovali su i predstavnici Islamske zajednice u Hrvatskoj. Našu su ekipu sačinjavali Almira Tursunović, Ismet Hadžić, učenici prvog razreda Islamske gimnazije Dr. Ahmeda Smajlovića, te Nerma Ibrahimkadić, učenica osmog razreda, polaznica mekteba u Zagrebačkoj džamiji. Za natjecanje su ih pripremali te o njima na putovanju brinuli muallimi Mirza i Emina Mešić. Treba naglasiti da su ovo naša najbolja djeca iz uzoritih obitelji koji su prošli i kroz redovan mekteb: Nerma kod muallime Lamije Alili, Almira kod Mersada ef. Krešića i Ismet kod svojih roditelja muallime Suade i Vahida ef. Hadžića iz Splita.



Osim naše ekipe na 1. Međunarodnom natjecanju iz vjeronauka učestvovali su i najbolji vjeroučenici iz Austrije, Bosne i Hercegovine i Srbije (Sandžaka). Natjecanje, koje je inicirao i na najbolji način osmislio te organizacijski sproveo mr. sc. Nezir Halilović, obuhvaćalo je pitanja iz dvije knjige: „Beskrajna svjetlost- Muhammed,a.s.“, autora Fethullaha Gulena i „Vrline Allahova Poslanika“ od Tirmizija. Natjecatelji su morali savladati više od 500 pitanja iz biografije Muhammeda,a.s., i stotine hadisa kako bi pred komisijom u sastavu mr. Muharem ef. Omerdić, mr. Nezir ef. Halilović i Mensur ef. Karadža, pravnik Rijaseta, pokazali znanje o našem poslaniku Muhammedu, a.s. Naša je ekipa zauzela drugo mjesto, iza ekipe iz Bosne i Hercegovine, što je veliki uspjeh, s obzirom da smo u jako kratkom roku održali i kvalifikacijske ispite i pripremu naših najboljih vjeroučenika za završno međunarodno natjecanje i to na temelju gradiva koje nije obuhvaćeno našim planom i programom. Inače, pravo natjecanja su imali polaznici školskog vjeronauka sedmih i osmih razreda te 1. razreda srednjih škola.

Takmičare i njihove muallime primio i resiu-l-ulema mr. sc. Husejn ef. Kavazović



Natjecanju su prisustvovali i najviši predstavnici Islamske zajednice u Bosni i Hercegovini predvođeni reisu-l-ulemom mr. Husejnom ef. Kavazovićem, dr. Amirom Karićem, šefom Vjersko prosvjetne službe Rijasetu, Huseinom ef. Smajićem, sarajevskim muftijom, Ejubom ef. Dautovićem, zeničkim muftijom, prof. dr. Muharemom Štulanovićem, dekanom IPF-a u Bihaću kao i predstavnicima turske ambasade u Sarajevu, što govori o važnosti ovog natjecanja. Nakon završenog natjecanja te uručenih novčanih nagrada za sve učesnike, a posebnih za najbolje, sve vjeroučenike i njihove muallime u svome je kabinetu primio reisu-l-ulema mr. Husejn ef. Kavazović. Tom je prilikom uvaženi reis uputio i nekoliko savjeta najboljim vjeroučenicima među Bošnjacima, kako sam reče, naglasivši da su upravo znanje i moral jedini garant opstanka našega naroda te da upravo od njih, najboljih vjeroučenika, očekuje da nastave proučavati i živjeti svoju vjeru te biti od koristi svojoj zajednici, svome narodu i svim ljudima.



Ekскурzija po Bosni i put u Istanbul



Za sve vjeroučenike i njihove vjeroučitelje, (osim naših vjeroučitelja tu su bili i Amel Premtić, Samed Pašalić i Emina Grabus, vjeroučitelji iz Zenice, Enes ef. Svraka iz Priboja iz Sandžaka, te Hasudin ef. Atanović, Emir ef. Milanović, Senad ef. Kusur i muallima Suada Kusur iz Austrije) dan prije natjecanja organiziran je jednodnevni izlet u Visoko, Travnik i Mostar. Tom prilikom posjetili smo visočku i travničku Medresu, Plavu vodu u Travniku, odmarali na Ramskom jezeru te na kraju dana uživali u ljepotama Staroga mosta i mostarske čaršije. A nakon natjecanja i prijema kod uvaženog reisu-l-uleme, učesnici i njihovi muallimi zajedno sa mr. Nezirom ef. Halilovićem i njegovom suprugom muallimom Aidom, krenuli su autobusom na petodnevni izlet u Istanbul



To je putovanje, kako za djecu tako i za njihove muallime, bilo posebno i prelijepo iskustvo. Trideset sati prilično napornog puta brzo je zaboravljeno kada smo stigli u Istanbul (originalno ISLAMBUL, u značenju pun islam), glavni grad Svijeta. Po veličini, geostrateškom položaju, povijesnim momentima, sadašnjoj važnosti, ovaj grad je jedinstven na zemaljskoj kugli. Za potpisnika ovoga teksta, Istanbul je jednom bio i opet treba biti, ako Bog da, centar Ummeta! U pet dana obišli smo najznačajnija povijesna i turistička mjesta u Gradu, prije svega sve poznate džamije: Sultan Ahmedovu ili Plavu Džamiju, Sulejmaniju ili džamiju sultana Sulejmana (kojem smo proučili Fatihu kao i njegovoj hanumi Hurem, koja je bila čestita žena, sušta suprotnost od onoga kako je predstavljaju u serijama), te naravno za nas muslimane ovih prostora najvažniju džamiju sultana Mehmeda Fatiha, koji nam je donio našu uzvišenu vjeru, da mu Allah, dž.š.,

Dženneti-l-firdevs podari. Posjetili smo i njegov mezar te mu proučili Fatihu. Osim džamija, posjetili smo i najznačajnija turistička odredišta poput Miniaturk-a te Vidikovac na Čamlidži. Posjetili smo i nekoliko od brojnih istanbulskih koledža, u kojima smo se družili s djecom i njihovim profesorima te uredništvo i tiskaru najtiražnijih turskih dnevnih novina „Zeman“ koji se dnevno prodaju u milijun primjeraka. Naravno, bilo je vremena i za kupovinu na Kapali čaršiji i drugim brojnim istanbulskim dućanima, s tim da smo konstatirali kako je Istanbul dva puta skuplji grad od Zagreba, što govori o nevjerojatnom porastu standarda kod turskih građana, zahvaljujući najviše premijeru Tajjipu Redžepu Erdoganu i njegovoj vladajućoj ekipi iz AKP partije. Ispunjeni ponosom radi naše braće Turaka i njihova uspjeha, jer je to i naš uspjeh, vratili smo se preko Bugarske i Srbije u domovinu Bosnu i Hercegovinu. Nova znanja o Muhammedu, a.s., i o našoj uzvišenoj vjeri, trajno sklopljena prijateljstva, obilazak Bosne i Hercegovine i Istanbula, obilježila su ovo prvo međunarodno natjecanje iz islamske vjeronauke. Još jednom čestitamo Rijasetu islamske zajednice, posebno vjersko-prosvjetnoj službi i njenim vodećim ljudima dr. Amiru Kariću i mr.sc. Neziru Haliloviću, na odličnoj organizaciji prvog međunarodnog natjecanja iz islamskog vjeronauka. Neka Dragi Allah nagradi i našu braću iz Turske, iz organizacije Hizmet, za pokroviteljstvo putovanja u Istanbul.



Ovo je ujedno i preporuka svim našim muallimima i njihovoj djeci da se počnu pripremati za sljedeće, drugo, ako Bog da, međunarodno natjecanje iz islamske vjeronauke. Vjerujem da će konkurencija, u pozitivnom smislu, sljedeće godine biti još veća. Jer, iako je slatko i pobijediti, zaista u ovom slučaju vrijedilo je pravilo: važno je bilo učestvovati i družiti se te steći trajna prijateljstva iznikla na zasadama naše uzvišene vjere dini islama.



A onaj momčić u narodnoj nošnji, gore u sredini je E. Ćufta, učenik naše Islamske gimnazije koji je na prošlogodišnjoj olimpijadi Turskog jezika pobijedio u svojoj kategoriji. Nerma i Almira su ga pronašle u 16-milijunskom Istanbulu i bile su silno ponosne.

Mirza Mešić